



სსიპ საქართველოს ტექნიკური უნივერსიტეტის
აკადემიური საბჭო
დადგენილება № 01-05-04/195

ქ. თბილისი

24 დეკემბერი 2024

„საქართველოს ტექნიკური უნივერსიტეტის დოქტორანტურის დებულების
ცვლილების შესახებ“ საქართველოს ტექნიკური უნივერსიტეტის აკადემიური საბჭოს
2022 წლის 04 აგვისტოს №01-05-04/115 დადგენილებაში ცვლილების შეტანის
თაობაზე

საქართველოს ზოგადი ადმინისტრაციული კოდექსის 63-ე მუხლის, „უმაღლესი განათლების შესახებ“ საქართველოს კანონის 21-ე მუხლის, „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებაში ცვლილების შეტანის თაობაზე“ საქართველოს განათლების, მეცნიერებისა და ახალგაზრდობის მინისტრის 2024 წლის 30 აგვისტოს №141/ნ ბრძანების, „საჯარო სამართლის იურიდიული პირის – საქართველოს ტექნიკური უნივერსიტეტის წესდების დამტკიცების თაობაზე“ საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული უნივერსიტეტის წესდების მე-8 მუხლის პირველი პუნქტის „ჩ“ ქვეპუნქტის და 26-ე მუხლის შესაბამისად, უნივერსიტეტის ვიცე-რექტორის სამსახურებრივი ბარათის და აკადემიური საბჭოს 2024 წლის 24 დეკემბრის №01-05-02/35 ოქმის საფუძველზე საქართველოს ტექნიკური უნივერსიტეტის აკადემიურმა საბჭომ დაადგინა:

1. საქართველოს ტექნიკური უნივერსიტეტის აკადემიური საბჭოს 2022 წლის 04 აგვისტოს №01-05-04/115 დადგენილებით დამტკიცებულ დოქტორანტურის დებულებაში შეტანილ იქნეს შემდეგი ცვლილებები:

ა) მე-2 მუხლის პირველი პუნქტის შემდეგ დაემატოს 1¹ პუნქტი და ჩამოყალიბდეს შემდეგი რედაქციით:

„1. დოქტორანტურაში ვაკანტური ადგილების სავარაუდო რაოდენობის განსაზღვრა ხდება არსებული ადამიანური, ფინანსური და კვლევითი რესურსების, მათ შორის დოქტორანტის ხელმძღვანელებისა და დოქტორანტების თანაფარდობის, აგრეთვე, შესაბამის პროგრამაზე ჩარიცხული დოქტორანტების სწავლის დროულად დასრულების მაჩვენებლების ანალიზის შედეგების გათვალისწინებით.“;

ბ) მე-3 მუხლის მე-2 პუნქტი ჩამოყალიბდეს შემდეგი რედაქციით:

„2. დოქტორანტურაში სწავლის მსურველმა (შემდგომში - აპლიკანტი) შესაბამის ფაკულტეტზე უნდა წარადგინოს:

ა) განცხადება უნივერსიტეტის რექტორის სახელზე ფაკულტეტისა და სადოქტორო პროგრამის მითითებით;

ბ) მონაცემები განათლებისა და შრომითი საქმიანობის შესახებ (CV);

გ) კვლევითი პროექტი კვლევის საკითხის, მიზნისა და მიმართულების/კვლევის მეთოდოლოგიის შესახებ;

დ) ინგლისური ენის არანაკლებ B2 დონეზე ან ერთ-ერთი დასავლეთ ევროპული სხვა უცხოური ენის არანაკლებ B2 დონეზე და ინგლისურ ენის არანაკლებ B1 დონეზე ფლობის დამადასტურებელი სერტიფიკატი/დოკუმენტი (მოთხოვნა კონკრეტდება დოქტორანტურის საგანმანათლებლო პროგრამის დაშვების წინაპირობის შესაბამისად);

ე) სათანადო აკადემიური ხარისხის დამადასტურებელი დიპლომი (აკადემიური ცნობა) და მათი ასლები;

ვ) პირადობის დამადასტურებელი მოწმობა და მისი ასლი;

ზ) ორი ფოტოსურათი, ზომით 3X4 (სმ), აგრეთვე მისი ელექტრონული ვერსია (CD);

თ) მიწერის მოწმობა ან სამხედრო ბილეთი (სამხედრო ვალდებულთათვის) და მისი ასლი;

ი) შესაბამის სფეროში წინარე ნაშრომი/პუბლიკაცია ან/და სამეცნიერო-კვლევით პროექტებსა და ღონისძიებებში მონაწილეობის ან/და შესაბამის სფეროში მუშაობის არანაკლებ 2 წლიანი გამოცდილების დამადასტურებელი დოკუმენტი.“;

გ) მე-4 მუხლის:

გ.ა) მე-2 პუნქტი ჩამოყალიბდეს შემდეგი რედაქციით:

„2. სამეცნიერო ხელმძღვანელი, ასევე რამდენიმე ხელმძღვანელის (თანახელმძღვანელი) არსებობის შემთხვევაში, ერთ-ერთი ხელმძღვანელი, უნდა იყოს უნივერსიტეტის აკადემიური (პროფესორი, ასოცირებული პროფესორი) ან/და სამეცნიერო (მთავარი ან უფროსი მეცნიერ-თანამშრომელი) პერსონალი (გარდა საერთაშორისო (თანა)ხელმძღვანელისა). სამეცნიერო ხელმძღვანელს უნდა ჰქონდეს შესაბამის სფეროში დოქტორის ან მასთან გათანაბრებული აკადემიური ხარისხი და აკმაყოფილებდეს შემდეგ მოთხოვნებს:

ა) აქვს სამეცნიერო ხელმძღვანელობის/თანახელმძღვანელობის გამოცდილება, ან გავლილი აქვს შესაბამისი აქტივობა (ტრენინგი, სემინარი, პროფესიული განვითარების კურსი და სხვა),

ასევე აქტიური მონაწილეობა აქვს მიღებული სამეცნიერო კვლევებში ან/და გამოქვეყნებული აქვს სამეცნიერო ნაშრომი (სახელოვნებო მიმართულებებში - შემოქმედებითი/საშემსრულებლო პროექტი), რომელიც შეესაბამება დოქტორანტის სადოქტორო ნაშრომის ზოგად თემატიკას/კვლევის სფეროს;

ბ) ბოლო 3 წლის განმავლობაში უნივერსიტეტის მიერ განსაზღვრულ უცხოურ საერთაშორისო ინდექსის მქონე რეფერირებად (peer-reviewed) ჟურნალში გამოქვეყნებული აქვს არანაკლებ 1 სამეცნიერო ნაშრომი (სახელოვნებო მიმართულებებში - შემოქმედებითი/საშემსრულებლო პროექტი), რომელიც შეესაბამება დოქტორანტის სადოქტორო ნაშრომის ზოგად თემატიკას/კვლევის სფეროს;

გ) აქვს ადგილობრივ და საერთაშორისო სამეცნიერო/სახელოვნებო საზოგადოებასთან პროფესიული კავშირი (ერთობლივი კვლევები/გრანტები/პროექტები, სამეცნიერო ასოციაციები/კავშირები/ საგანმანათლებლო/სამეცნიერო დაწესებულებები).“;

გ.ბ) მე-2 პუნქტის შემდეგ დაემატოს მე-2¹ პუნქტი შემდეგი რედაქციით:

„2¹. თანახელმძღვანელი შეიძლება იყოს: უნივერსიტეტის პროფესორი, ასოცირებული პროფესორი, უნივერსიტეტის დამოუკიდებელი სამეცნიერო-კვლევითი ერთეულის მთავარი ან უფროსი მეცნიერ-თანამშრომელი, რომლის საკვალიფიკაციო მოთხოვნები შეესაბამება დოქტორანტის სადოქტორო ნაშრომის თემატიკას/კვლევის სფეროს, აგრეთვე შეესაბამისი სამეცნიერო კვლევითი გამოცდილების მქონე, დოქტორის აკადემიური ხარისხის მქონე პირი, უნივერსიტეტთან გაფორმებული შესაბამისი ინსტიტუციური ხელშეკრულების საფუძველზე. თანახელმძღვანელი (ასეთის არსებობის შემთხვევაში) მხარდაჭერას უწევს დოქტორანტს სამეცნიერო-კვლევითი კომპონენტის განხორციელების პროცესში ხელმძღვანელთან და დოქტორანტთან ურთიერთშეთანხმების საფუძველზე.“;

გ.გ) მე-3 პუნქტი ჩამოყალიბდეს შემდეგი რედაქციით:

„3. დოქტორანტის სამეცნიერო ხელმძღვანელი უზრუნველყოფს:

ა) დოქტორანტის სასწავლო და სამეცნიერო-კვლევითი კომპონენტების შესრულების კორდინაციას;

ბ) დოქტორანტებთან რეგულარულ კონსულტაციებს კვლევის მეთოდოლოგიურ, სტრუქტურულ, კონცეპტუალურ და სხვა საკითხებზე, აგრეთვე, კვლევის დიზაინის, კვლევის მეთოდების, პროფესიული განვითარების, თეზისის/სამეცნიერო-კვლევითი ნაშრომის/დისერტაციის წერის პროცესის, ადგილობრივ და საერთაშორისო სამეცნიერო ქსელში ინტეგრირების პროცესის, ადგილობრივ და საერთაშორისო სამეცნიერო ღონისძიებებში მონაწილეობისა და შედეგების წარდგენის პროცესის, სამეცნიერო სტატიების რეფერირებად (Peer-reviewed) ჟურნალში გამოქვეყნების და სხვა რელევანტური მიმართულებით;

გ) უნივერსიტეტს, დოქტორანტსა და სამეცნიერო ხელმძღვანელს შორის დადებული ხელშეკრულებით განსაზღვრული სხვა უფლებამოსილებების განხორციელებას და ვალდებულებების შესრულებას.“;

გ.დ) მე-3 პუნქტის შემდეგ დაემატოს მე-3¹ პუნქტი შემდეგი რედაქციით:

„3¹. კვლევის სპეციფიკის და საჭიროების გათვალისწინებით, შესაძლებელია დოქტორანტის ხელმძღვანელის/თანახელმძღვანელის სტატუსით (საერთაშორისო ხელმძღვანელი/თანახელმძღვანელი) მოწვეული იქნეს უცხოური უნივერსიტეტის, სამეცნიერო-კვლევითი დაწესებულების/ცენტრის პერსონალი ან ემერიტუსის სტატუსის მქონე პირი, მათ შორის უცხოეთში მცხოვრები თანამემამულე, რომელიც აკმაყოფილებს ხელმძღვანელის/თანახელმძღვანელისათვის ამ მუხლით დადგენილ მოთხოვნებს. საერთაშორისო ხელმძღვანელზე/თანახელმძღვანელზე ვრცელდება ამ მუხლით დადგენილი შესაბამისი უფლებამოსილებები და ვალდებულებები.“;

დ) მე-9 მუხლის:

დ.ა) დასახელება ჩამოყალიბდეს შემდეგი რედაქციით:

„**მუხლი 9. სადისერტაციო ნაშრომის დაცვის კოლეგის შემადგენლობის და რეცენზირების დამტკიცება**“;

დ.ბ) მე-3 და მე-4 პუნქტები ჩამოყალიბდეს შემდეგი რედაქციით:

„3. თითოეულ სადისერტაციო ნაშრომზე მტკიცდება და მოიწვევა არანაკლებ ერთი ადგილობრივი და ერთი საერთაშორისო რეცენზენტი. საერთაშორისო რეცენზენტი სავალდებულო არ არის იმ შემთხვევაში, თუკი დოქტორანტს ჰყავს საერთაშორისო ხელმძღვანელი. რეცენზენტი აფასებს სადისერტაციო ნაშრომის სიახლეს და მზაობას დაცვისათვის. რეცენზენტების შერჩევისას უზრუნველყოფილი უნდა იყოს მათი ანონიმურობა, რაც გულისხმობს, რეცენზიის გაცნობამდე დოქტორანტისთვის ან/და მისი ხელმძღვანელისათვის/თანახელმძღვანელისათვის რეცენზენტის ვინაობის კონფიდენციალურობის დაცვას.

4. ადგილობრივი რეცენზენტი შეიძლება იყოს ადგილობრივი უნივერსიტეტის, სამეცნიერო-კვლევითი ინსტიტუტის/ცენტრის პერსონალი, ან ემერიტუსის სტატუსის მქონე პირი, ხოლო საერთაშორისო რეცენზენტი - უცხოური უნივერსიტეტის, სამეცნიერო-კვლევითი ინსტიტუტის/ცენტრის პერსონალი, ან ემერიტუსის სტატუსის მქონე პირი. ადგილობრივი და საერთაშორისო რეცენზენტი აღჭურვილი უნდა იყოს დარგის უახლესი ცოდნით, აქტიური მონაწილეობა უნდა ჰქონდეს მიღებული სამეცნიერო კვლევებში და ბოლო 3 წლის განმავლობაში უცხოურ საერთაშორისო ინდექსის მქონე რეფერირებად (peer-reviewed) ჟურნალში გამოქვეყნებული უნდა ჰქონდეს არანაკლებ 1 სამეცნიერო ნაშრომი, რომელიც შეესაბამება დოქტორანტის სადოქტორო ნაშრომის ზოგად თემატიკას/კვლევის სფეროს.“;

ე) მე-10 მუხლის:

ე.ა) მე-5 პუნქტი ჩამოყალიბდეს შემდეგი რედაქციით:

„5. თუ რომელიმე რეცენზენტის მიერ დასკნის წარმოდგენა შეუძლებელია ობიექტური გარემოებების გამო (უბედური შემთხვევა, ავადმყოფობა და სხვ.), სათანადო ცნობის ან მოხსენებითი ბარათის წარმოდგენის შემდეგ მტკიცდება სხვა შესაბამისად, ადგილობრივი ან საერთაშორისო რეცენზენტი ამ დებულებით დადგენილი წესით.“;

კ.ბ) მე-7 პუნქტი ჩამოყალიბდეს შემდეგი რედაქციით:

„7. სადისერტაციო ნაშრომის ერთი რეცენზენტის მიერ უარყოფით დასკვნის შემთხვევაში, ამ დებულებით დადგენილი წესით მტკიცდება მესამე რეცენზენტი (შესაბამისად, ადგილობრივი ან საერთაშორისო), რომლის მიერ სადისერტაციო ნაშრომის დადებითად რეცენზირების შემთხვევაში, სადისერტაციო ნაშრომი წარდგენილი იქნება დასაცავად.“.

2. წინამდებარე დადგენილებით გათვალისწინებული ცვლილებები და დამატებები, შესაბამისად, განახლებული რედაქციის სამართლებრივი ნორმები გავრცელდეს 2024 წლის 30 აგვისტოს შემდეგ სადოქტორო საგანმანათლებლო პროგრამაზე ჩარიცხულ დოქტორანტებზე.
3. წინამდებარე დადგენილება ძალაში შევიდეს გამოქვეყნებისთანავე.

4. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოში (მდებარე ქ. თბილისი, დავით აღმაშენებლის ხეივანი №64).

აკადემიური საბჭოს თავმჯდომარე

დ. გურგენიძე

აკადემიური საბჭოს მდივანი

ი. კუტუბიძე

